

UGOVOR O JAVNOJ NABAVCI

Ugovorne strane:

1. **Kantonalno javno komunalno preduzeće "Vodovod i Kanalizacija" d.o.o. Sarajevo**, ul. Jaroslava Černija br. 8, koga zastupa direktor Nezir Hadžić, Magistar uprave (u daljem tekstu: kupac) i
2. **„Hemija Patenting“ d.o.o. Lukavac**, ul. Magistralni put bb, koga zastupa direktor Nada Bijeljenčević (u daljem tekstu: prodavac).

Član 1.

Predmet ovog ugovora je nabavka roba: **"Gasni hlor"**, a sve prema tenderskoj dokumentaciji br. 02/17 i usvojenoj ponudi broj: 05-HP/17 od 02.02.2017. godine, koja je sastavni dio ovog ugovora.

Član 2.

Ukupna vrijednost roba iz člana 1. ovog ugovora bez poreza na dodanu vrijednost je fiksna i iznosi: **142.800,00 KM** (slovima: stotinučetdesetdvijehiljadeosamstotina i 00/100 KM).
Ukupna vrijednost roba iz člana 1. ovog ugovora sa uključenim PDV-om iznosi: **167.076,00 KM** (slovima: stotinušezdesetsedamhiljadasedamdesetšest i 00/100 KM).

U cijenu su uključene carine, takse, osiguranje kao i druge dažbine date na paritetu FCO Sarajevo – skladište kupca.

Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Član 4.

Prodavac će predmetnu robu isporučiti u skladište Ugovornog organa u Sarajevu i to sukcesivno u toku 12 mjeseci, za stavku 1. iz specifikacije odziv u roku od 24 sata od primljenog poziva, a stavku 2. iz specifikacije u roku od 15 dana od dana preuzimanja boca.

Prodavac je obavezan da na poziv kupca izvrši dostavu tražene količine hlora za stavku 1. iz specifikacije u bocama od 50-60 kg na lokaciju-e koje u pozivu naznači kupac i da prilikom dostave tražene količine hlora preuzme prazne boce sa lokacije na koju je izvršio dostavu pune boce, te da iste vrate na poziv kupca u roku od 24 sata po prijemu poziva na lokaciju koju odredi ugovorni organ da za stavku pod rednim brojem 1. iz specifikacije u cijenu uključujemo preuzimanje praznih boca od 50 kg i 60 kg sa lokacija Ugovornog organa (tehnološki objekti Pogona Vodovod) i transport od skladišta Ugovornog organa do punionice gdje će se vršiti punjenje boca i nazad.

Pri prvom preuzimanju boca sa bilo kojeg tehnološkog objekta za koji se prvo ukaže potreba prodavac je obavezan da o svom trošku preuzme 100 komada praznih boca sa centralnog skladišta kupca na lokaciji Ilidža, te da iste drži na svom skladištu i na poziv kupca sukcesivno dostavlja u skladu sa uslovima, a koji su dati u tenderskoj dokumentaciji br. 02/17, a u skladu sa svim prethodnim uslovima.

Dostava poziva od strane Ugovornog organa o potrebnim količinama i lokaciji na koju se u roku od 24 sata po preuzimanju poziva moraju dostaviti pune i preuzeti prazne boce, vršit će se putem telefona od strane odgovornog osoblja Službe vodomjera i dezinfekcije vode (spisak osoblja koja može dostaviti poziv ponuđaču koji bude odabran kao najpovoljniji dostavit će se pri zaključivanju ugovora), na broj i prema licu dobavljača koje će isti imenovati pisanim aktom.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički putem Komisije koju sačinjavaju ovlašteni predstavnici svake ugovorne strane.

Član 5.

Zapisnik iz člana 4. ovog ugovora je osnov za plaćanje ugovorne cijene.

Član 6.

Način i uslovi plaćanja su: u roku 30 dana od ispostavljanja fakture, na transakcijski račun Prodavca broj: 3060440000133032 kod Addiko Bank.

Član 7.

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

Član 8.

U slučaju kašnjenja u isporuci roba, do kojeg je došlo krivicom prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od kupca.

Član 9.

Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

Član 10.

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

Član 11.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

Član 12.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 14.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu opremu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obavezu plaćanja, kako je definisano u članu 6. ovog ugovora.

Član 15.

Ovaj ugovor stupa na snagu kada ga potpišu obje ugovorne strane, a zaključuje se na period od 12 mjeseci od dana potpisivanja istog. Ugovor je sačinjen u 6 (šest) istovjetna primjerka od kojih po 3 (tri) primjerka zadržava svaka ugovorna strana.

Za Prodavca:

Za Kupca:

v.d. Izvršni direktor za vodovodni sistem

Kenan Đipa
Kenan Đipa, dipl.ing.el.

Direktor

Nada Bijeljencević
Nada Bijeljencević



Direktor

Nezir Hadžić
Nezir Hadžić, Magistar uprave



Broj: *01-221/17*

Datum: *20.03.2017.*

Broj: *64/17*

Datum: *10.3.2017.*